

**Wisconsin Lub Khoos Kas
Estate Recovery (Kev Sau Nqi
Rov Qab Los Ntawm Tej
Av/Vaj Tsev)
Phau Ntawv Qhia**

(Wisconsin Estate Recovery Program Handbook)



Wisconsin Department of Health Services
Division of Medicaid Services
P-13032H (08/2021)

Koj tau txais phau ntawv qhia no vim tias koj yog ib tug tswv cuab hauv Medicaid los sis BadgerCare Plus uas tej zaum tau txais cov kev pab cuam uas yuav tau sau nqi rov qab los ntawm koj tej av/vaj tsev. Qhov no xam muaj cov tswv cuab uas:

- Sau npe nkag rau cov kev pab saib xyuas kho mob ncuia ntev thiab nyob hauv ib lub tsev laus.
- Sau npe txais txoj phiaj xwm kho mob Medicaid uas ta txais txaij ntsig txhua yam thiab muaj hnuv nyoog 55 xyoos nce mus.

Puas muaj lus nug dab tsi?

Hu rau Lub Chaw Pab Cuam Tswv Cuab ntawm 800-362-3002, 711, los sis 800-947-3529 (TTY) txhawm rau thov kev txhais lus los sis pab qhia kom koj nkag siab txog phau ntawv no.

Spanish – Si necesita ayuda para traducir o entender este texto, por favor llame al teléfono 800-362-3002, 711 o 800-947-3529 (TTY)

Russian – Если вам не всё понятно в этом документе, позвоните по телефону 800-362-3002, 711 или 800-947-3529 (TTY)

Hmong – Yog xav tau kev pab txhais cov ntaub ntawv no kom Koj to taub, hu rau 800-362-3002, 711 los sis 800-947-3529 (TTY)

Cov Txheej Lus

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev).....	1
Lus Taw Qhia	1
Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yog dab tsi?	1
Cov tswv cuab thiab cov khoos kas twg yog cov raug rau Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev)	3
Cov tswv cuab twg yog cov tsis raug lub Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev)?	6
Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav mus sau cov nyiaj them rov qab li cas?	7
Thaum twg Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) thiaj tsis sau cov nyiaj rov qab?	8
Probate (Kev Txheeb Xyuas Raws Cai)	12
DHS mus muab tej av/vaj tsev los them rau cov nuj nqis ntawm cov kev pab li cas?.....	12
Thaum twg DHS thiaj ua tau ntawv mus tsib cov av/vaj tsev thiab qhov nyiaj mus tsib yog npaum cas? .	13
Yuav them rau ib daim ntawv ua mus tsib tej av/vaj tsev li cas thiab thaum twg?	14
Puas pub cov muaj cai tau txais qhov khoom ceev ib yam dab tsi ntawm tus tswv cuab tej av/vaj tsev?	15
Puas muaj tej thaum uas DHS tsis tau nyiaj raws li nws daim ntawv tsib los yog qhov them cov nyiaj raug muab ncua sij hawm mus?	16

DHS ua ib daim ntawv mus tsib qhov khoom li cas
hauv qhov mus faib raws cai hauv tsev hais plaub?17

**Mus Muab Nyiaj los ntawm Cov Khoom Non-Probate
Property (Khoom Ntiag Tug Tsis Nyob Hauv Kev Faib
Raws Cai) tom qab tus Tswv Cuab Tas Sim Neej..... 19**

Txij Nkawm Khoom Ntiag Tug.....21

**Mus Muab Cov Nyiaj Siv Daim Affidavit of the
Administrator (Daim Ntawv Tim Khawv ntawm Tus
Neeg Tswj Hwm)..... 21**

Thaum twg DHS thiaj mus muab tau thiab muab tsis
tau nyiaj los them tej nuj nqis los ntawm kev siv daim
ntawv tim khawv ntawm tus neeg tswj hwm? 21

DHS mus muab tau nyiaj li cas los ntawm kev siv daim
ntawv tim khawv ntawm tus neeg tswj hwm? 22

**Zam Tsis Ua Ntawv Mus Tsib Qhov Khoom Vim Ua Rau
Muaj Kev Txom Nyem..... 24**

Puas muaj kev zam rau yog hais tias qhov mus muab
cov nyiaj yuav ua rau muaj kev nyuaj txom nyem rau
tus muaj cai los yog muaj npe tau txais qhov khoom?..24

**Ntawv Yuam Nqi Rau Medicaid Cov Tswv Cuab Uas
Mus Pw Hauv Tsev Kho Mob thiab Nyob Hauv Tsev
Laus (TEFRA Liens) 26**

Ib daim ntawv yuam nqi rau qhov khoom yog dab tsi
thiab muaj dab tsi raug rau qhov no? 26

Thaum twg DHS thiaj ua tau ib daim ntawv yuam nqi
ib lub tsev? 26

Thaum twg thiaj them nyiaj rau daim ntawv yuam nqi
lub tsev? 28

Dab tsi yog qhov daim ntawv yuam nqi rau qhov
khoom them rau? 29

Cov Lus Txhais Ntsiab Lus	30
Yog Xav Paub Ntxiv.....	37

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev)

Lus Taw Qhia

Phau ntawv qhia no muaj cov lus hais txog Wisconsin Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev). Nws hais txog seb leej twg thiab cov khoos kas twg yog cov yuav raug cuam tshuam, hais txog kev mus sau nqi rov qab los ntawm tej av/vaj tsev koj los mus them rov qab rau qee yam kev pab cuam, thiab hais txog cov xwm txheej uas yuav tsis tuaj yeem sau nqi rov qab los ntawm tej av/vaj tsev tau.

Cov tswv cuab uas teev npe txais Wisconsin Medicaid, BadgerCare Plus, Wisconsin Chronic Disease Program (Wisconsin Lub Khoos Kas Kho Cov Kab Mob Tsis Tu Qab; WCDP), Community Options Program (Lub Khoos Kas Muab Kev Xaiv Rau Zej Zog; COP) los sis Yim Neeg Uas Tsis Tau Txais Medicaid yuav tuaj yeem tau txais kev cuam tshuam los ntawm Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev).

Ib co nqe lus uas muab los siv rau hauv no tau muab txhais ntsiab lus nyob rau ntawm cov lus (glossary) uas nyob ntam qab kawg ntawm phau ntawv no. Yog koj xav tau kev pab kom to taub cov lus qhia hauv phau ntawv no, thov hu rau Lub Chaw Pab Cuam Tswv Cuab ntawm tus xov tooj 800-362-3002.

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yog dab tsi?

Wisconsin Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yog ib lub khoos kas uas yuav tsib kom them

cov nyiaj rov qab coj mus them rau cov nqi kev pab cuam kho mob ncu ntev qee yam rau cov tswv cuab los ntawm Medicaid, BadgerCare Plus, COP, los sis tsis yog-Medicaid Family Care los sis txhua cov kev pab cuam kho mob uas tau txais los ntawm WCDP. Qhov nyiaj uas yuav sau rov qab no yog yuav sau los ntawm cov tswv cuab tej av/vaj tsev, sau los ntawm lawv tus txij nkawm uas tseem muaj txoj sia nyob tej av/vaj tsev, sau los ntawm qee yam khoom ntiag tug tsis tau raug txheeb xyuas raws cai, thiab sau los ntawm kev ua cov ntawv yuam nqi rau lawv cov tsev. Qhov nyiaj uas yuav sau rov qab no yog yuav sau tom qab muab tus tswv cuab tej khoom ntiag tug muaj nqis coj los mus ntaus nqi thiab muab them tas rau cov nqi uas raug nyiaj ntau dua uas yuav tau xub them ua ntej raws li teev tseg hauv kev cai lij choj (Wis. Stat. § 859.25).

Cov nyiaj uas sau tau rov qab los no yuav muab xa rov qab rau cov khoos kas thiab yuav muab siv los mus pab rau lwm tus tswv cuab. Cov kev pab cuam kho mob ncu ntev uas lub khoos kas no yuav mus sau cov nyiaj rov qab los yog suav nrog, tab sis tsis txwv rau cov kev saib xyuas hauv tsev laus thiab cov kev saib xyuas nyob hauv tsev. Cov kev pab cuam no raug teev tseg rau cov ntsiab lus qhia ntxaws hauv qab no.

Lus Cim Tseg: Cov tswv cuab uas muaj hnuv nyoog 55 xyoos nce mus, uas nyob hauv zej zos thiab tsis tau txais cov kev pab cuam txog kev saib xyuas kho mob ncu ntev los sis ib qho kev pab cuam twg los ntawm WCDP, yuav tsis raug sau nqi rov qab los ntawm tej av/vaj tsev.

Lub lav thiab tsoom hww teb chaws cov cai lij choj tseev kom Wisconsin yuav tsum mus sau qeev cov nyiaj pab uas tau them kho mob rau cov tswv cuab lawm rov qab los. Cov cai lij choj no yog tsim los mus sau kom tau cov nyiaj los ntawm cov khoom ntiag tug muaj nqis ntawm cov neeg uas tau txais nyiaj pab kho mob.

Cov tswv cuab thiab cov khoos kas twg yog cov raug rau Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev)

➤ Medicaid thiab BadgerCare Plus cov tswv cuab:

- Tsis hais muaj hnub nyoog li cas uas nyob hauv cov tsev laus yuav tau mus muab lawv cov nyiaj tau them rau tag nrho cov nyiaj uas pab them kho mob rau lawv los ntawm Medicaid los sis BadgerCare Plus thaum lawv nyob hauv ib lub tsev laus. Dua li ntawm kev mus sau nyiaj los ntawm tej av/vaj tsev thiab los ntawm khoom ntiag tug tsis tau txais kev txheeb xyuas raws cai, cov nyiaj uas mus sau rov qab los no kuj tseem yuav yog los ntawm kev ua cov ntawv liens (cov ntawv yuam nqi) rau Medicaid los sis BadgerCare Plus cov tswv cuab tej tsev. Yog xav paub ntxiv txog cov ntawv yuam nqi no ces mus saib ntu *Cov Ntawv Yuam Nqi rau Medicaid Cov Tswv Cuab Uas Mus Pw Hauv Tsev Kho Mob thiab Nyob Hauv Tsev Laus (TEFRA Liens)* nyob rau phab ntawv 26.
- Tsis hais muaj hnub nyoog li cas uas tau txais cov nyiaj pab mus pw kho mob thiab muab xam tias lawv yog cov tswv cuab nyob hauv cov tuam tsev kho mob (institutionalized members), kuj yuav tau sau cov nyiaj uas lub khoos kas Medicaid los is BadgerCare Plus tau them rau lawv thaum lub sijhawm kho tus mob no. Cov tswv cuab uas tau nyob hauv cov tsev kho mob los lawm yog cov tswv cuab uas tau los sis yuav tau mus pw hauv ib lub tsev kho mob txog 30 hnub nce mus, thiab cov uas yuav tsum tau muab cov nyiaj tau los txhua hli them rau lawv cov nqi kho mob. Dua li ntawm kev mus sau nyiaj los ntawm tej av/vaj tsev thiab los ntawm khoom ntiag tug tsis tau txais kev txheeb xyuas raws cai, cov nyiaj uas mus sau rov qab los no kuj tseem yuav yog los ntawm kev ua cov ntawv liens (cov ntawv yuam nqi) rau Medicaid los sis BadgerCare Plus cov tswv cuab tej tsev.

Yog xav paub ntxiv txog cov ntawv yuam nqi no ces mus saib ntu *Cov Ntawv Yuam Nqi rau Medicaid Cov Tswv Cuab Uas Mus Pw Hauv Tsev Kho Mob thiab Nyob Hauv Tsev Laus (TEFRA Liens)* nyob rau phab ntawv 26.

- Cov uas muaj hnuv nyoog 55 nce mus tsuas yuav tau them cov nqi rov qab rau qeev cov nyiaj pab uas tau txais thaum lawv nyob hauv lub zej zos xwb, xws li:
 - Skilled nursing services (cov kev pab cuam tu neeg mob uas muaj qauv tes zoo)
 - Home health aide services (cov kev pab cuam saib xyuas hauv tsev)
 - Home health therapy and speech pathology (kev kho mob hauv tsev thiab cov kev pab kom hais tau lus)
 - Private duty nursing services (cov kev tu hauv tsev los ntawm kws tus neeg mob)
 - Cov kev pab tu xyuas tib neeg
- Cov uas muaj hnuv nyoog 55 xyoos nce mus uas nyob hauv zej zos yuav tau them nqi rov qab rau txhua cov nyiaj pab uas lawv tau txais los thaum nkag rau hauv cov khoos kas pab kho mob ntev xws li hauv qab no:
 - COP Waiver (Lub Khoos Kas Zam Rau COP)
 - Community Integration Programs IA, IB, and II (Lub Khoos Kas Koom Tes Hauv Zej Zog IA, IB, thiab II)
 - Brain Injury Waiver (Lub Khoos Kas Zam Rau Kev Raug Mob Rau Lub Hlwb)
 - Community Supported Living Arrangements (Lub Khoos Kas Kev Npaj Chaw Nyob Uas Tau Txais Kev Txhawb Pab ntawm Zej Zog)

- Community Recovery Services (Kev Pab Cuam Kom Zoo Rov Los Hauv Zej Zog)
- Family Care
- Family Care Partnership
- Include, Respect, I Self-Direct (Xam Nrog, Hwm Txog, Ncaj Raim-Rau Kuv; IRIS)
- Program of All-Inclusive Care for the Elderly (Txoj Kev Pab Tu Xyuas Laus Neeg Txhua Yam; PACE)

Hais txog rau cov tswv cuab uas tau txais cov kev pab cuam los ntawm lub khoos kas saib xyuas kho mob ncu ntev dhau los ntawm cov koom haum saib xyuas kho mob uas raug tuav tswj (MCO), ces cov nyiaj capitation payments (cov nyiaj them raws taub hau neeg) them txhua lub hli rau MCO yuav tau them rov qab. Cov nyiaj capitation payments (cov nyiaj them raws taub hau neeg) them txhua lub hli yog cov nyiaj uas lub lav them rau MCO txhua lub hlis, thiab qhov nyiaj no yog qhov uas lub lav yuav sau rov qab los ntawm tus tswv cuab.

- **WCDP cov tswv cuab** tsis hais muaj hnuv nyoog li cas yuav tsum tau them cov nyiaj pab uas WCDP tau them mus lawm rov qab.
- **Cov neeg koom rau COP** uas muaj hnuv nyoog 55 xyoos nce mus yuav tsum tau them cov nyiaj pab uas COP tau them mus lawm rov qab.
- **Yim Neeg Uas Tsis Tau Txais Medicaid cov tswv cuab** yuav tau them cov nyiaj kev pab cuam uas muaj tseeb raws li tau hais qhia mus rau Department of Health Services (Tuam Tsev Tswj Xyuas Cov Kev Kho Kab Mob Kev Nkeeg; DHS) rov qab rau txhua tus neeg uas teev npe nkag uas yog:
 - Muaj hnuv nyoog 55 xyoos nce mus thiab nyob hauv zej zos.

- Muaj hnuv nyoog li cas los xij uas mus pw hauv:
 - Ib lub tsev kho mob thiab tau hais kom nws pab them qhov nyiaj sib pab them kho mob.
 - Ib lub tsev laus.

Tsis hais leej twg uas tau txais cov kev pab muab teev los saum no tsis hais tau txais tag nrho los yog sib ntxiv ua ke yuav tau mus muab nws tej av/vaj tsev los them rau cov kev pab uas nws tau txais, los yog tej av/vaj tsev ntawm nws tus txij nkawm tseem muaj txoj sia nyob, ntawm khoom ntiag tug tsis tau txheeb xyuas raws cai, los yog daim ntawv yuam nqi.

Cov tswv cuab twg yog cov tsis raug lub Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev)?

- Medicaid los sis BadgerCare Plus ib tug tswv cuab uas muaj hnuv nyoog 55 xyoos nce mus, uas nyob hauv lub zej zos, thiab tsis tau txais cov kev pab cuam txog kev saib xyuas kho mob ncu ntev yuav tsis raug lub khoos kas sau nqi rov qab los ntawm tej av/vaj tsev.
- Ib tug tswv cuab uas koom rau hauv lub Medicare Savings Program (Lub Khoos Kas Txuag Nyiaj Medicare). Medicare cov nqi them pov hwm (premium) thiab Medicare tus nqi sib pab them (cost sharing) los sis feem yus nrog them tuav pov hwm (coinsurance) uas lub khoos kas Qualified Medicare Beneficiary (Lub Khoos Kas Tus Neeg Tau Txais Kev Pab Los Ntawm Medicare Uas Tsim Nyog) tau pab them mus lawm yuav tsis tau them rov qab.

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav mus sau cov nyiaj them rov qab li cas?

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav siv kev tsib nyiaj los ntawm cov khoom raug txheeb xyuas raws cai, ua cov ntawv tim khawv rau cov av/vaj tsev uas raug nyiaj tsawg thiab cov khoom ntiag tug tsis tau txheeb xyuas raws cai, thiab ua daim ntawv yuam nqi los mus sau cov nyiaj los them rau cov nyiaj pab ntawm Medicaid, BadgerCare Plus, WCDP, COP, thiab Yim Neeg Uas Tsis Tau Txais Medicaid.

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav mus sau cov nyiaj rov qab los los ntawm kev ua ntawv tsib cov khoom tau xtheeb xyuas raws cai los mus them rov qab rau cov nuj nqis muab kev pab hauv zej zos, cov kev pab cuam uas tau txais thaum lub sij hawm nkag koom rau hauv lub khoos kas pab saib xyuas kho mob ncu ntev, cov kev pab cuam uas tau txais thaum ib tug tswv cuab mus nyob hauv ib lub tsev laus, cov kev pab tau txais thaum ib tug tswv cuab raug muab xam tias yog nyob hauv ib lub chaw pw kho mob hauv ib lub tsev kho mob, thiab WCDP cov kev pab. Yog hais tias tus tswv cuab tej av/vaj tsev yog muaj ib qho uas yog av/vaj tsev uas muaj tseeb tiag, tej zaum Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) kuj yuav ua ib daim ntawv yuam nqi rau thaj av/vaj tsev los mus hloov qhov nyiaj them rov qab. Yog xav paub ntiv txog cov hom cov ntawv yuam nqi, mus saib ntu *Cov Khoom Probate (Kev Faib Khoom Raws Cai)* hais txog “Puas muaj tej thaum uas Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) tsis tau nyiaj raws li nws daim ntawv tsib los sis muaj kev them nyiaj rov qab qeeb?” nyob phab ntawv 16.

Yuav siv daim affidavit of the administrator (daim ntawv tim khawv ntawm tus neeg tswj hwm) los mus ua ntawv tsib tej khoom muaj nqi qis dua \$50,000 thiab mus sau nqi rov qab los ntawm cov khoom ntiag tug tsis tau txheeb xyuas raws cai. Tam li yog ib feem ntawm tus txheej txheem no, yuav tau ua cov ntawv yuam nqi kom Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) qhov kev ua ntawv tsib thiaj yuav tau rov qab los.

Tej zaum kuj tseem yuav ua cov ntawv yuam nqi rau cov vaj tsev ntawm Medicaid cov tswv cuab uas pw hauv tsev kho mob thiab yuav tsum tau muab xam los them lawv cov nqi kho mob los sis cov nqi nyob hauv cov tsev laus. Cov ntawv yuam nqi yuam nqi tsuas yuav tuaj yeem xa thaum cov tswv cuab yuav tsis xav rov qab mus nyob lawv lub tsev nkaus lawm xwb. Hais txog cov lus qhia paub ntxiv txog cov ntawv yuam nqi, ces mus saib ntu *Cov Ntawv Yuam Nqi rau Medicaid Cov Tsev Kho Mob thiab Cov Neeg Nyob Hauv Tsev Laus (TEFRA Liens)* nyob phab ntawv 26. Txwv tsis pub ua cov ntawv yuam nqi rau hauv cov tsev ntawm cov neeg nkag rau COP thiab/los sis WCDP thaum lawv tseem muaj sia nyob.

Thaum twg Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) thiaj tsis sau cov nyiaj rov qab?

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav tsis mus sau cov nyiaj rov qab los ntawm ib tug tswv cuab tej av/vaj tsev thaum tus tswv cuab tus txij nkawm, tus me nyuam tsis tau muaj 21 xyoos, los yog ib tug me nyuam xiam oob qhab los yog dig muag tsis hais hnuv nyoog li cas uas tseem muaj txoj sia nyob. Txawm li cas los xij, yog tias tus tswv cuab tej av/vaj tsev los yog cov khoom ntiag tug tsis tau raug xtheeb xyuas raws cai muaj ib qho yog av/vaj tsev, ces Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav ua ib daim ntawv yuam nqi. Qhov

nyiaj uas sau rov qab los ntawm daim ntawv yuam nqi yuav raug ncuaj sij hawm mus kom txog rau tom qab tus txij nkawm, tus me nyuam tsis tau muaj hnuv nyoog (qis dua 21 xyoo), tus me nyuam xiam oob qhab, los yog dig muag uas tseem muaj sia nyob tas sim neej. Txawm tias Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav tuaj yeem ua daim ntawv yuam nqi rau tej av/vaj tsev ntawm tus txij nkawm, tus me nyuam tsis tau muaj hnuv nyoog, xiam oob qhab, los yog dig muag uas tseem muaj txoj sia nyob tau, yog hais tias lawv muab tej av/vaj tsev ntawd muag raws tus nqi kiab khw thaum lawv tseem muaj txoj sia nyob ces, Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav rho nws daim ntawv yuam nqi los siv thiab yuav tsis tas tau them nyiaj rov qab lawm.

Nws muaj cov kev tiv thaiv zoo tib yam li nkaus li ntu hais txog daim ntawv yuam nqi ntawm lub khoos kas uas siv rau cov neeg nyob hauv tsev laus thiab pw hauv tsev kho mob. Tej zaum DHS tsuas yuav ua daim ntawv yuam nqi rau lub tsev ntawm ib tug tswv cuab uas mus nyob hauv tsev laus los yog pw hauv ib lub tsev kho mob lawm nkaus xwb. Dua li ntawd lawm, DHS yuav tsis ua daim ntawv yuam nqi rau lub tsev ntawm tus tswv cuab uas mus nyob tsev laus los yog mus pw hauv tsev kho mob lawm yog hais tias tseem tshuav tus txij nkawm los yog tus me nyuam tsis tau muaj hnuv nyoog, xiam oob qhab, los yog dig muag tsis hais hnuv nyoog li cas nyob hauv lub tsev. DHS yuav tsis ua ntawv yuam nqi ntawm ib tug tswv cuab nyob hauv lub zej zos. Yog xav paub ntixiv txog cov ntawv yuam nqi no ces mus saib ntu *Cov Ntawv Yuam Nqi rau Medicaid Cov Tswv Cuab Uas Mus Pw Hauv Tsev Kho Mob thiab Nyob Hauv Tsev Laus (TEFRA Liens)* nyob rau phab ntawv 26.

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav tsis sau cov nqi rov qab los ntawm:

- Cov khoom ntiag tug (rooj tog, saw nyiaj saw kub, khoom siv hauv vaj hauv tsev, thiab lwm yam) kom txog rau thaum muab muag.

- Cov nyiaj ntsuab uas muab pub rau tsev neeg tom qab tus tswv cuab tas sim neej, xws li nyiaj muab rau saib dab muag.

Qee yam nyiaj tau los, khoom thiab nyiaj txiag ntawm cov Neeg Meskas Xeeb Txawm thiab Cov Neeg Alaska Xeeb Txawm yuav raug zam los ntawm kev mus sau nyiaj rov qab los ntawm tej av/vaj tsev. Cov no muaj xws li:

- Tej nyiaj tau los muab tso rau hauv cov ntaub ntawv tuav cia (trust);
- Ntaub ntawv tuav khoom thiab nyiaj txiag los yog khoom ntiag tug tsis muaj ntaub ntawv tuav cia nyob hauv los yog nyob ze ib qhov chaw tau txais kev lees paub los ntawm tsoom fww cia rau cov neeg khab nyob tam sim no los sis yav dhau los, cov pueblo, los yog nyob ua pawg (colony); los sis lwm cheeb tsam uas teev tseg los ntawm Tus Thawj Coj Bureau of Indian Affairs (Chav Hauj Lwm Tej Qav Num Neeg Khab) (BIA).
 - Lwm cheeb tsam yog tej chaw muab kev pab cuam rau cov haiv neeg tsawg uas BIA muab cov khoos kas pab nyiaj txiag thiab pab zej tsoom rau cov tswv cuab uas yog pawg neeg tsawg.
 - Tsuas yuav zam tau rau cov tswv cuab uas yog pab neeg tsawg qhov chaw nyob tseem ceeb los sis qhov chaw ua vaj ua tsev nkaus xwb.
- Tej nyiaj txiag tau los ntawm cov chaw cia rau cov neeg khab nyob. Qhov no muaj xws li tej nqi xauj tsev, ntawv xauj tsev, kev muaj cai siv, thiab tej khoom hav zoo hav tsuag (yuav tsum muaj cuab kav taug qab tau mus txog cov neeg khab cov av).
- Tsoom fww cov kev rov npaj them nyiaj.
- Ib qhov twg uas tsis tau muab hais rau saum no, uas muaj nuj nqis tseem ceeb rau txoj kev ntseeg, keeb kwm, thiab/los yog kev cai dab

qhuas uas pab txhawb nqa txoj kev coj noj coj ua hauv lub neej kom tsis poob raws li cov neeg khab txoj kab lis kev cai.

Cov khoom ntiag tug tsis muaj ntaub ntawv tuav cia tau txais kev tiv thaiv yog thaum muab tso tseg los ntawm ib tug Neeg Mes Kas Ib Txwm mus rau ib tug txheeb ze. Nws tsis tas yuav kom tus neeg txheeb ze yog ib tug tswv cuab ntawm pawg neeg khab es thiaj zam rau qhov khoom ntiag tug tsis muaj ntaub ntawv tuav cia.

Muaj qee cov khoom muaj nqis kuj raug zam rau cov tswv cuab uas muaj ntawv tuav pov hwm rau kev pab tu mus sij hawm ntev raws li Wisconsin Long Term Care Insurance Partnership (Lub Khoos Kas Sib Koom Tes Tuav Pov Hwm Ncua Ntev; LTCIP).

LTCIP yog ib qhov kev sib koom los ntawm tsoom fwv qhov Lub Khoos Kas Medicaid, cov muab ntawv pov hwm rau cov kev pab tu mus sij hawm ntev, DHS, thiab Wisconsin Office of the Commissioner of Insurance (Lub Chaw Ua Hauj Lwm ntawm Pawg Neeg saib xyuas Kev Tuav Pov Hwm). Lub hom phiaj tseem ceeb yog muab kev txhawb siab rau cov neeg los mus npaj kom pab tau txoj kev tu lawv mus sij hawm ntev, txawm yuav yog nyob hauv zej zos xws li nyob hauv lawv tus kheej lub tsev los yog nyob hauv ib lub tsev laus.

Cov nyiaj uas them los ntawm txoj cai LTCIP uas tsim nyog rau los sis tom qab Lub Ib Hlis Ntuj Tim 1, 2009, yuav tsis suav rau hauv Medicaid qhov kev txwv txog cov av/vaj tsev rau kev muaj cai tsim nyog tau txais, thiab tsis tuaj yeem sau nqi rov qab los ntawm Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev).

Cov lus qhia paub ntxiv txog LTCIP mus nrhiav tau nyob ntawm DHS lub vev xaib ntawm www.dhs.wisconsin.gov/em/ltcip.htm.

Probate (Kev Txheeb Xyuas Raws Cai)

DHS mus muab tej av/vaj tsev los them rau cov nuj nqis ntawm cov kev pab li cas?

Ib tug tswv cuab tej av/vaj tsev muaj xws li nws cov khoom muaj nqis uas nws yog tus tswv rau thaum lub sij hawm nws tas txoj sia, muaj xws li, tab sis kuj tsis yog tas rau, cov nyiaj tso khaws los sis nyiaj chev uas nws ib leeg xwb yog tus tswv, stocks, cov ntawv nyiaj txiag (savings bonds), thiab khoom ntiag tug. Cov khoom muaj nqis twg uas yog ib feem ntawm tej av/vaj tsev tom qab tus tswv cuab tas sim neej yuav poob rau Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev), suav nrog rau, tab sis kuj tsis yog tas rau, tej nyiaj ntxiv rov qab, tej nyiaj tau los ntawm cov ntawv tuav pov hwm lub neej, nyiaj so kam, los yog cov nyiaj muab thaum tas sim neej uas them rau tej av/vaj tsev. Mus saib nqe lus *Mus Muab Nyiaj los ntawm Cov Khoom Non-Probate Property (Khoom Ntiag Tug Tsis Nyob Hauv Kev Faib Raws Cai) tom qab tus Tswv Cuab Tas Sim Neej* nyob phab 19 kom paub ntxiv txog cov khoom ntiag tug tsis raug txheeb xyuas raws cai xws li cov nyiaj tau los ntawm kev tuav pov hwm uas them rau cov neeg muaj npe tau txais tseem muaj txoj sia nyob thiab cov nyiaj tso savings los yog checking uas sib koom ua tus tswv los yog them thaum tas txoj sia lawm rau ib tug muaj npe tau txais.

Tus txheeb txheem raws cai uas raws li paub yog kev sib faib khoom raws cai pab kho tus neeg tej av/vaj tsev kom muab sib faib haum uas yog muab ib tug neeg tej av/vaj tsev faib rau cov neeg tshuav lawv nqi, cov neeg muaj cai tau txais qhov khoom, thiab cov muaj npe tau txais qhov khoom. Cov neeg tshuav lawv nqi ua ntawv mus tsib cov av/vaj tsev kom ntseeg tau tias lawv tau nyiaj them rau cov nyiaj uas tshuav lawv nqi. Raws li txoj cai, yuav tau them rau DHS ua ntej them rau feem coob ntawm cov neeg tshuav lawv nqi. Thiab them rau DHS thiab cov neeg

tshuav lawv nqi ua ntej muab faib rau cov muaj cai los yog muaj npe tau txais txawm yuav muaj ib daim ntawv sau faib tej av/vaj tsev (will) los tsis muaj.

Nws muaj ob txoj kev uas DHS mus muab cov nyiaj los ntawm cov tej av/vaj tsev. Thaum txheeb xyuas raws cai muaj mus sib hais hauv tsev hais plaub, DHS yuav ua ib daim ntawv mus tsib hauv tsev hais plaub thiab tus neeg uas tuav tej av/vaj tsev. Yog thaum tsis muaj sib hais hauv tsev hais plaub, DHS ua ib daim ntawv mus tsib ntawm tus neeg tuav tej av/vaj tsev uas siv ib txoj kev hais raws txoj cai hu ua muab hloov lwm tus npe los ntawm daim ntawv qhia lus tseeb (transfer by affidavit). Yog xav paub ntxiv, mus saib nqe lus *Mus Muab Cov Nyiaj Siv Daim Ntawv Qhia Lus Tseeb (Recovery by Affidavit)* nyob phab ntawv 21.

Thaum twg DHS thiaj ua tau ntawv mus tsib cov av/vaj tsev thiab qhov nyiaj mus tsib yog npaum cas?

DHS yuav ua tau ntawv mus tsib tej av/vaj tsev ntawm ib tug tswv cuab los yog nws tus txij nkawm uas tseem muaj txoj sia nyob, yog tus tswv cuab tau txais kev pab tu nws uas them los ntawm Medicaid los yog BadgerCare Plus nyob hauv ib qhov twg los yog tag nrho cov nram qab no:

- Thaum tus tswv cuab nyob hauv ib lub tsev laus. Qhov nyiaj ua ntawv mus tsib los yog muab them rau tus nqi ntawm tag nrho cov kev pab rau nws thaum nyob hauv ib lub tsev laus uas Medicaid los yog BadgerCare Plus tau them rau lawm.
- Thaum tus tswv cuab pw hauv ib lub tsev kho mob txog 30 hnuv los yog ntev dua thiab tau hais kom nws yuav tsum them ib qhov nyiaj. Qhov nyiaj ua ntawv mus tsib los yog muab them rau ntawm tag nrho cov kev pab uas nws tau txais thaum pw hauv tsev kho mob uas Medicaid los yog BadgerCare Plus tau them rau lawm.
- Thaum tus tswv cuab muaj 55 xyoos los yog tshaj saud thiab nyob hauv lub zej zos. Qhov nyiaj ua ntawv mus tsib los yog muab them

rau tus nqi uas Medicaid thiab BadgerCare Plus them rau cov kev pab tu hauv tsev, kws tu neeg mob cov kev pab, thiab cov kev pab tu tus kheej.

- Rau cov tswv cuab muaj 55 thiab tshaj saud uas koom rau hauv qhov kev pab tu mus sij hawm ntev. Qhov nyiaj ua ntawv mus tsib los yog them rau tag nrho Medicaid thiab BadgerCare Plus cov kev pab uas tau txais thaum nyob hauv qhov kev pab cuam.
- Rau Medicaid thiab BadgerCare Plus cov tswv cuab hnuv nyoog 55 xyoos nce mus uas tau txais cov kev pab tu mus sij hawm ntev los ntawm managed care organization (lub khoos kas tswj xyuas keev pab tu) (MCO). Cov nyiaj capitation payments (cov nyiaj them raws taub hau neeg) them txhua hli uas them rau lub MCO yuav tau them rov qab.

DHS tseem ua tau ntawv mus tsib tej av/vaj tsev ntawm ib tug tswv cuab los yog nws tus txij nkawm tseem muaj txoj sia nyob los them rau WCDP, COP thiab non-Medicaid Family Care cov kev pab.

Yuav them rau ib daim ntawv ua mus tsib tej av/vaj tsev li cas thiab thaum twg?

DHS yuav tau txais qhov nyiaj los ntawm tus neeg sawv cev ntawm tej av/vaj tsev raws li kev faib khoom raws cai cov txheej txheem. DHS tau txais qhov nyiaj tom qab them qee yam nuj nqis tas. Cov nuj nqis them ua ntej them rau DHS yog:

- Cov nqi them khiav ntaub ntawv rau tej av/vaj tsev, nrog rau cov nqi them rau kws lij choj.
- Cov nqi pam neeg tuag.
- Cov nqi them thaum tus mob qhov mob kawg, yog muaj, uas Medicaid, BadgerCare Plus, los yog WCDP tsis tau them rau.

Yog tsis muaj nyiaj txaus los ntawm tej av/vaj tsev los them rau DHS kom puv ntoob, DHS tau qhov tshuav tom qab cov nuj nqis uas pab them, ces qhov mus muab nyiaj los ntawm tej av/vaj tsev los xaus li ntawd rau ntawm cov khoom muaj nqis uas tau muab qhia tawm. Qhov no siv rau cov ntawv tsib ua mus sib hais hauv tsev hais plaub thiab DHS cov kev mus muab nyiaj los ntawm tej av/vaj tsev uas siv cov ntawv qhia lus tseeb (affidavits).

Puas pub cov muaj cai tau txais qhov khoom ceev ib yam dab tsi ntawm tus tswv cuab tej av/vaj tsev?

Pub. Hauv qhov ua ntawv mus tsib tej av/vaj tsev los mus them rov qab, lub tsev hais plaub ntug yeej pub rau cov neeg muaj cai thiab muaj npe tau txais qhov khoom ceev ntau txog \$5,000 ntawm tus nqi ntawm cov khoom ntiag tug nram qab no:

- Tus neeg tas sim neej tej khoom ntawm cev thiab tej sawv nyiaj sawv kub uas nws coj rau tus kheej siv.
- Rooj tog zaum hauv lub tsev, khoom vaj khoom tsev thiab tej cuab yeej siv hauv tsev.
- Lwm yam khoom ntiag tug tuav tau (tangible) uas tsis muab siv rau kev lag luam, kev ua liaj ua teb, los yog lwm yam kev ua lag luam, ntaus nqi tsis pub tshaj \$3,000.

Lus Cim Tseg: Qhov no tsis pub rau cov muaj cai tau txais qhov khoom ceev cov khoom muaj nqis uas muab muag tau yooj yim (xws li nyiaj ntsuab los yog khoom muaj nqis muab ntseeb ua tau nyiaj ntsuab), tsuas yog khoom ntiag tug nkaus xwb.

Puas muaj tej thaum uas DHS tsis tau nyiaj raws li nws daim ntawv tsib los yog qhov them cov nyiaj raug muab ncuaj sij hawm mus?

Muaj, DHS yuav tsib **tsis** tau nyiaj yog hais tias muaj ib qhov twg hauv qab no:

- Ib tug txij nkawm tseem muaj txoj sia nyob.
- Ib tug me nyuam tsis tau muaj 21 xyoos.
- Ib tug me nyuam muaj mob xiam oob qhab los sis dig muag tsis hais hnuv nyoog li cas.

Txawm li cas los, yog tias muaj ib tug txij nkawm tseem muaj txoj sia, ib tug me nyuam tsis tau muaj 21 xyoos, los yog ib tug me nyuam xiam oob qhab los sis dig muag thiab nws muaj feem ua tus tswv rau qhov khoom ntiag tug ntawm tus tswv cuab tej av/vaj tsev, qhov them nyiaj yuav raug muab ncuaj sij hawm mus vim hais tias yuav tau ua ib daim ntawv yuam nqi rau thaj av/vaj tsev sawv cev rau DHS. Ib daim ntawv lien (ntawv yuam nqi) ua thaum lub sij hawm faib qhov khoom raws cai yuav tsis kom them nyiaj yog tias tug txij nkawm tseem muaj txoj sia, ib tug me nyuam tsis tau muaj 21 xyoos, los yog ib tug me nyuam xiam oob qhab los sis dig muag tsis hais hnuv nyoog li cas muaj txoj sia nyob.

Lus Cim Tseg: DHS yuav ua ib daim ntawv yuam nqi ntawm ib tug txij nkawm tseem muaj txoj sia, ib tug me nyuam tsis tau muaj 21 xyoos, los yog ib tug me nyuam xiam oob qhab los sis dig muag tsis hais hnuv nyoog li cas ntawm ib tug tswv cuab. Tab sis yog hais tias tus txij nkawm tseem muaj txoj sia, ib tug me nyuam tsis tau muaj 21 xyoos, los yog ib tug me nyuam xiam oob qhab los sis dig muag muab lub tsev ntawd muag raws li tus nqi hauv kiab khw thaum lawv tseem muaj txoj sia nyob, ces DHS yuav rho nws daim ntawv yuam nqi rau qhov khoom thiab yuav mus muab nyiaj tsis tau los lawm.

Qhov them nyiaj rau DHS daim ntawv ua mus tsib qhov khoom kuj yuav raug muab ncuu mus yog muaj lwm yam tshwm sim. DHS yuav ua ib daim ntawv yuam nqi rau tag nrho los yog ib feem ntawm nws daim ntawv tsib tej av/vaj tsev yog tias muaj ib lub tsev nyob hauv tej av/vaj tsev thiab ib tug neeg twg nram qab no nyob hauv lub tsev:

- Ib tug tub los yog tus ntxhais ntawm tus tswv cuab uas tau nyob hauv lub tsev los mus tsawg kawg yog pib txij li 24 lub hlis ua ntej tus tswv cuab pib tau txais lub tsev laus cov kev pab, los yog cov kev pab muab thaum muab xam tias yog mus pw hauv ib lub tsev kho mob los yog tsev thiab cov kev pab hauv zos (community-based waiver services) thiab muab kev pab tu rau tus tswv cuab uas ncuu sij hawm rau tus tswv cuab tau txais cov kev pab ntawd.
- Ib tug kwv/tij los yog muam/viv ncaus ntawm tus tswv cuab uas tau nyob hauv lub tsev los mus tsawg kawg yog pib txij li 12 lub hlis ua ntej tus tswv cuab pib tau txais lub tsev laus cov kev pab, los yog cov kev pab muab thaum muab xam tias yog mus pw hauv ib lub tsev kho mob, los yog tsev thiab cov kev pab hauv zos (community-based waiver services).

Tej zaum DHS yuav mus muab cov nyiaj los ntawm cov ntawv yuam nqi qhov khoom no thaum tus me nyuam, tus kwv/tij, los yog tus muam/viv ncaus tas sim neej los yog muag lub tsev/muab lub tsev rau lwm tus. Qhov ua ib daim ntawv yuam nqi rau tej av/vaj tsev yuav ua tau rau cov tswv cuab nyob hauv tsev laus, cov pw hauv tsev kho mob, thiab cov nyob hauv zej zos. Vim tias hom ntawv yuam nqi qhov khoom no yog los ntawm qhov ua ntawv tsib tej av/vaj tsev.

DHS ua ib daim ntawv mus tsib qhov khoom li cas hauv qhov mus faib raws cai hauv tsev hais plaub?

Thaum ib qho av/vaj tsev raug muab coj mus txheeb xyuas raws cai hauv tsev hais plaub, tus neeg sawv cev los yog tus kws lij choj uas tuav qhov

av/vaj tsev yuav tsum tau hais rau DHS paub ntawm qhov av/vaj tsev thiab lub sij hawm uas tau ua ib daim ntawv mus tsib. Ces DHS mam muab qhov nyiaj los xam qhov nws tsib seb yog npaum cas thiab muab xa mus rau tus kws txiav txim plaub ntug nrog rau muab ib daim luam rau tus sawv cev los yog tus kws lij choj.

Tus neeg sawv cev yog tus khiav cov ntaub ntawv rau tej av/vaj tsev. Tus neeg sawv cev yuav tsum muab cov khoom muaj nqi hauv cov khoom ntiag tug muaj nqis los suav seb muaj npaum cas thiab txiav txim siab seb cov ntawv sau tuaj tsib tej av/vaj tsev uas yuav tsum tau them muaj li cas. Vim yuav tsum tau them rau cov ntawv sau tuaj tsib kom mus raws li kev txheeb xyuas cov cai thiab cov txheej txheem.

Qhov hloov rau lwm tus los ntawm daim ntawv qhia lus tseeb tus txheej txheem yog dab tsi?

Qhov hloov rau lwm tus los ntawm daim ntawv qhia lus tseeb tus txheej txheem muab siv tau los mus kaw ib tug neeg tej av/vaj tsev thaum tus neeg tas sim neej muaj txog \$50,000 los yog tsawg dua hauv nws cov khoom muaj nqis raws kev khiav ntaub ntawv tswj hwm hauv Wisconsin. Nws yog ib txoj hauv kev xaiv los mus siv rau chaw hais plaub tus txheej txheem rau tej av/vaj tsev uas raug nyiaj tsawg. Yog muab tus txheej txheem no los siv, ib tug muaj cai tau txais qhov khoom, tus saib xyuas (guardian), los yog tus trustee ntawm ib daim **revocable trusts (cov ntawv tuav khoom ntiag tug rau lwm tus uas rho tawm tau)** ua los ntawm tus tuag lawm, yuav khaws tau tus tuag lawm tej khoom muaj nqis uas yog ua ib daim ntawv qhia lus tseeb hloov mus rau tus neeg, qhov chaw, los yog lub koom txoos uas tuav cov khoom ntawd.

Thaum lees yuav tus neeg tuag lawm cov khoom muaj nqis, tus muaj cai tau txais qhov khoom, tus saib xyuas, los yog tus trustee muaj lub luag dej num los them tus tuag lawm tej nuj nqis seb qhov twg yog qhov yuav tau them ua ntej raws li tau tsa muaj los ntawm lub xeev tsab cai lij

choj thiab muab cov seem faib rau cov muaj cai thiab muaj npe tau txais qhov khoom. Yog tias ib tug muaj cai tau txais qhov khoom, tus saib xyuas, los yog tus trustee xa ib daim ntawv qhia lus tseeb hloov mus rau ib tug neeg, qhov chaw, los yog ib lub koom txoos, nws **yuav tsum** xa ib daim qauv luam mus rau DHS yog hais tias tus tuag lawm tau txais Medicaid, BadgerCare Plus, WCDP, COP los yog non-Medicaid Family Care cov nyiaj pab. Yog tias tau muab qhov khoom ntiag tug hloov rau lwm tus los ntawm qhov siv daim ntawv qhia lus tseeb, tej zaum DHS yuav ua ib daim ntawv yuam nqi rau lub tsev ntawd. Ces daim ntawv yuam nqi qhov khoom txoj hauj lwm yuav tiav thaum lub sijhawm muab lub tsev muag.

Mus Muab Nyiaj los ntawm Cov Khoom Non-Probate Property (Khoom Ntiag Tug Tsis Nyob Hauv Kev Faib Raws Cai) tom qab tus Tswv Cuab Tas Sim Neej

Hom khoom muaj nqis uas DHS raws qab mus muab tau los them nuj nqis sawv cev rau tus tswv cuab yog tag nrog cov khoom uas tus tswv cuab muaj feem nyob hauv ua ntej kiag uas nws tas sim neej. Qhov no muaj xws li cov khoom uas muab mus tso rau sab nraud ntawm tus neeg cov khoom txheeb xyuas raws cai, nrog rau cov khoom muaj nqis uas muab rau lwm tus sib koom ua tus tswv (joint tenancy), cai ntawm tus muaj txoj siab nyob, lub neej tseem muaj txoj sia tej av/vaj tsev, cov revocable trusts (cov ntawv tuav khoom ntiag tug rau lwm tus uas rho tawm tau), los yog lwm yam uas tau npaj cia ua ntej lawm.

DHS yuav mus muab cov nyiaj checking thiab savings uas koom ua -tus tswv (jointly -owned) thiab them tau rau lwm tus thaum txoj sia tu uas muaj nyob rau ntawm cov tuam txhab cia nyiaj, tsis hais yuav yog thaum twg uas tau qheb cov as-khauj.

DHS yuav mus sau cov nyiaj rov qab los ntawm life estates (tej av/vaj tsev hauv lub neej), joint tenancy property (cov khoom sib koom ua tus tuav) (tsis xam cov checking thiab savings accounts), nyiaj tuav pov hwm lub neej them rau tus muaj npe tau txais uas tseem muaj txoj sia nyob, muaj npe teev cia, thiab cov revocable trusts (cov ntawv tuav khoom ntiag tug rau lwm tus uas rho tawm tau) uas tau tsa muaj rau thaum los yog tom qab Lub Yim Hlis Ntuj Tim 1, 2014 nkaus xwb. Qhov no siv rau qhov mus muab nyiaj los ntawm cov khoom ntiag tug tau hais los no tom qab tus tswv cuab tas sim neej.

DHS yuav tsis mus muab cov nram qab no uas tau tsim muaj ua ntej Lub Yim Hlis Ntuj Tim 1, 2014:

- Life estates (tej av/vaj tsev hauv lub neej)
- Joint tenancy property (cov khoom sib koom ua tus tuav) (tsis xam cov as khauj nyiaj chev thiab cov nyiaj khaws)
- Nyiaj tuav pov hwm lub neej them rau tus muaj npe tau txais uas tseem muaj txoj sia nyob, muaj npe teev cia
- Revocable Trusts (Cov Ntawv Tuav Khoom Ntiag Tug Rau Lwm Tus Uas Rho Tawm Tau)

Tag nhro lwm hom ntawm cov khoom non-probate property (khoom ntiag tug tsis nyob hauv kev faib raws cai) yuav poob rau qhov muab them rov qab rau cov tswv cuab uas tas sim neej rau thaum los yog tom qab Lub Yim Hlis Ntuj Tim 1, 2014.

Yuav siv daim affidavit of the administrator (daim ntawv tim khawv ntawm tus neeg tswj hwm) los mus muab cov nyiaj los ntawm cov khoom ntiag tug tsis raug txheeb xyuas raws cai. Tej zaum kuj yuav ua cov ntawv yuam nqi mus tso rau cov khoom ntiag tug tsis raug txheeb xyuas raws cai kom ntseeg tau tias DHS yuav tsib tau nyiaj los.

Txij Nkawm Khoom Ntiag Tug

DHS yuav ua ntawv mus tsib tej av/vaj tsev ntawm ib tug tswv cuab tus txij nkawm tseem muaj txoj sia nyob. Yuav mus muab qhov nyiaj los ntawm 50 feem pua ntawm txij nkawm khoom ntiag tug ntawm tus txj nkawm tseem muaj txoj sia tej av/vaj tsev.

Mus Muab Cov Nyiaj Siv Daim Affidavit of the Administrator (Daim Ntawv Tim Khawv ntawm Tus Neeg Tswj Hwm)

Thaum twg DHS thiaj mus muab tau thiab muab tsis tau nyiaj los them tej nuj nqis los ntawm kev siv daim ntawv tim khawv ntawm tus neeg tswj hwm?

DHS yuav xa daim ntawv tim khawv ntawm tus neeg tswj hwm mus rau tus neeg twg, lub tuam txhab twg, los yog lub koom txoos twg uas tuav cov khoom ntiag tug ntawm tus tswv cuab uas tas sim neej lawm kom tau cov nyiaj los them rau cov nqi muab kev pab. Daim ntawv tim khawv yuav sau meej txog DHS txoj cai los mus tsib tus tswv cuab uas tag sim neej lawm cov av/vaj tsev uas tseem tshuav thiab piav meej txog cov cai ntawm cov neeg muaj cai los mus tuav cov av/vaj tsev, cov neeg tau txais txiaj ntsig thiab cov koom ua tswv. DHS siv nws daim ntawv tim khawv mus sau cov nyiaj rov qab los ntawm tej av/vaj tsev uas tsawg tshaj \$50,000 thiab cov khoom ntiag tug tsis raug txheeb xyuas raws cai.

DHS tsis siv daim ntawv qhia lus tseeb mus muab thaum muaj tus txij nkawm tseem muaj txoj sia nyob, ib tug me nyuam (tsis tau muaj 21 xyoos), los yog ib tug me nyuam xiam oob qhab los yog dig muag tsis hais hnub nyooq li cas thiab tus tswv cuab cov khoom ntiag tug (tsis hais

yog tej av/vaj tsev los sis cov khoom ntiag tug tsis raug txheeb xyuas raws cai) tsis xam qhov khoom ntiag tug.

DHS yuav tsis siv daim ntawv tim khawv los mus sau cov nyiaj rov qab los ntawm tej ris tsho hnav, saw nyiaj saw kub, khoom vaj khoom tsev, thiab tej cuab yeej siv hauv tsev uas muaj ntaus nqi tag nrho qis dua \$5,000.

DHS mus muab tau nyiaj li cas los ntawm kev siv daim ntawv tim khawv ntawm tus neeg tswj hwm?

Hauv tej av/vaj tsev uas muaj nqi tsawg dua \$50,000 uas muab sib hais haum los ntawm qhov siv ib daim ntawv hloov rau lwm tus los ntawm ib daim ntawv qhia lus tseeb, DHS yuav xa nws daim ntawv tim khawv ntawm tus neeg tswj hwm tuaj mus rau tus muaj cai tau txais qhov khoom, tus saib xyuas, los yog tus trustee uas yog muab DHS feem tsib tau qhov khoom. Raws li keev ua dhau los, DHS yeej cia rau cov neeg no txais qhov khoom ntawm tus tuag. Ces lawv siv qhov khoom mus them cov nqi pam tuag uas tsim nyog yuav tau them, nqi khiav ntaub ntawv rau tej av/vaj tsev, thiab nqi kws lij choj. Qhov nyiaj seem tom qab them nuj nqis tas yuav tsum muab them rau DHS. Cov ntawv tshub nqi, cov tw ntawv tau txais kev them nyiaj, thiab cov tshev (canceled checks) ntawm cov kev siv nyiaj them nuj nqis no yuav tsum muab khaws cia thiab muab ib daim luam xa mus rau DHS. Yuav tsum txhob them rau cov nqi kho mob (nrog rau cov nqi tshub thauj neeg mob) kom txog rau thaum Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) tau muab los xyuas thiab pom zoo tso. Tom qab muab cov nyiaj seem xa rau DHS tas lawm, mam li tso tus muaj cai tau txais qhov khoom, tus saib xyuas, los yog tus trustee dim ntawm tej nuj nqis ntawm lwm cov uas tshuav lawv nqi los yog cov muaj cai tau txais qhov khoom ntawm tus tuag uas tau muab pauv rau tus muaj cai tau txais

qhov khoom, tus saib xyuas, los yog tus trustee los ntawm qhov siv daim ntawv qhia lus tseeb.

Rau ntawm cov khoom ntiag tug tsis raug txheeb xyuas raws cai, DHS yuav siv cov txheeb txheem zoo ib yam li ntawd. DHS yuav xa daim ntawv tim khawv ntawm tus neeg tswj hwm mus rau cov koom ua tus tswv thiab cov muaj npe tau txais qhov khoom ntawm tus tswv cuab cov khoom ntiag tug tsis raug txheeb xyuas raws cai.

Cov koom ua tus tswv thiab/los yog cov muaj npe tau txais qhov khoom muaj cai hais kom muaj ib lub rooj mloog kev ncaj ncees los xyuas tus tswv cuab feem ntawm qhov khoom ntiag tug seb raug nqi li cas.

Tus nqi ntawm tus tswv cuab feem rau ntawm qhov khoom sib koom ua tus tswv yog ntawm qhov feem pua muab rau tus tswv cuab thaum lub sij hawm txiav txim muab kev pab rau nws, yog hais tias tsis yog txiav txim thaum muaj feem tsim nyog tau txais kev pab, ces yog feem tus tswv cuab muaj rau hauv qhov khoom ntiag tug thaum nws tas sim neej. Rau ntawm tej av/vaj tsev cov paj ntsig, tus nqi yog feem pua ntawm qhov ua tus tswv raws li tus tswv cuab lub hnuv nyooq nyob rau ntawm hnuv uas nws tas sim neej, raws li cov ntaub ntawv (life estate tables) muab siv rau qhov muaj feem tsim nyog tau txais kev pab Medicaid.

Tus nqi ntawm qhov khoom yog tus nqi nyob hauv kev ua lag luam. Tus nqi nyob hauv kev ua lag luam yog tus nqi them rau qhov khoom uas tus neeg yuav zoo siab them rau tus neeg zoo siab muag. Nws yog cov sib koom ua tus tswv los yog cov muaj npe tau txais qhov khoom lub luag hauj lwm los mus ntaus nqi rau qhov khoom tias yog raug npaum cas, xws li ib muaj tug neeg muaj ntawv pov thawj (licensed appraiser) nrog luj thiab ntaus nqi.

Thaum qhov khoom ntiag tug muaj nyob rau hauv cov khoom ntiag tug tsis raug txheeb xyuas raws cai, DHS ua tau ib daim ntawv yuam nqi.

Cov kev tiv thaiv daim ntawv yuam nqi qhov khoom rau tus txij nkawm tseen muaj txoj sia nyob los yog tus me nyuam tsis tau muaj hnub nyoog, muaj mob xiam oob qhab, los yog dig muag hauv daim ntawv qhia lus muaj tseeb tus txheej txheem yog zoo tib yam li cov ntawv yuam nqi qhov khoom txheeb xyuas raws cai.

Zam Tsis Ua Ntawv Mus Tsib Qhov Khoom Vim Ua Rau Muaj Kev Txom Nyem

Puas muaj kev zam rau yog hais tias qhov mus muab cov nyiaj yuav ua rau muaj kev nyuaj txom nyem rau tus muaj cai los yog muaj npe tau txais qhov khoom?

DHS tau tsa muaj cov qauv kev cai nyob hauv Wis. Admin. Code § DHS 108.02(12) rau ntawm qhov txiav txim seb qhov DHS mus muab cov nyiaj puas ua rau muaj teeb meem nyuaj rau ib tug neeg muaj cai los yog muaj npe tau txais qhov khoom los yog tus koom ua tus tswv ntawm qhov khoom. Ib tug muaj cai, los sis muaj npe tau txais qhov khoom los yog tus koom uas tus tswv ntawm qhov khoom yuav thov tau kom DHS zam qhov nws ua ntawv mus tsib lawv feem ntawm tej av/vaj tsev vim los ntawm ib qhov nram qab no:

- Tus muaj cai los yog muaj npe tau txais qhov khoom, los yog tus koom ua tus tswv ntawm qhov khoom yuav muaj feem tsim nyog tau txais los yog tau txais Supplemental Security Income (Nyiaj Tau Los Pab Ntxiv Kev Ruaj Ntseg; SSI), FoodShare, BadgerCare Plus, los yog Medicaid mus tom ntej ntxiv yog DHS tsij yuav qhov nws ua ntawv tsib mus ntxiv.

- Tus neeg tuag lawm tej av/vaj tsev muaj ib lub tsev uas tus muaj cai los yog muaj npe tau txais qhov khoom, los yog tus koom ua tus tswv muab siv ua ib feem ntawm lawv kev ua lag luam uas yog xws li, tab sis kuj tsis yog tas rau, ib qhov chaw ua hauj lwm ua liaj ua teb, thiab qhov DHS mus muab nyiaj ntawm qhov khoom no los yuav ua rau lawv poob lawv txoj kev noj kev haus yug lawv lub neej.
- Tus muaj cai los yog muaj npe tau txais qhov khoom, los yog tus koom ua tus tswv ntawm qhov khoom tau nyiaj pab los yog nyiaj qub tub rog raws li yuav tsum tau pab hauv nqe lus Wis. Stat. § 45.40(1m).

Yuav qhia rau tus neeg tuav tej av/vaj tsev paub txog cov cai no thiab seb tus muaj cai los yog muaj npe tau txais qhov khoom yuav ua ntawv li cas mus thov kom zam vim muaj kev nyuaj txom nyem thaum tej av/vaj tsev raug muab xa mus sib hais hauv tsev hais plaub los yog sib hais raws daim ntawv muaj tseeb tus txheej txheem. Tus neeg tuav tej av/vaj tsev ntawd muaj lub luag hauj lwm qhia rau cov muaj cai los yog muaj npe tau txais qhov khoom paub txog cov cai uas lawv muaj no. Tus muaj cai los yog muaj npe tau txais qhov khoom kuj ua tau ntawv thov mus rau DHS kom zam tsis txhob mus muab cov nyiaj los ntawm nws feem ntawm tej av/vaj tsev.

Hais txog cov khoom ntiag tug tsis raug txheeb xyuas raws cai, yuav hais rau cov koom ua tus tswv los yog cov muaj npe tau txais qhov khoom paub txog lawv cov cai thiab yuav ua ntawv thov kom zam vim muaj kev nyuaj txom nyem li cas. Tsuas yog cov koom ua tus tswv los yog cov muaj npe tau txais tus tswv cuab qhov khoom ntiag tug tsis raug txheeb raws cai thiaj li muaj feem ua tau ntawv mus thov kom zam rau lawv feem ntawm qhov khoom non-probate property (khoom ntiag tug tsis nyob hauv kev faib raws cai) xwb. Lwm cov neeg muaj cai los yog muaj npe tau txais tus tswv cuab cov khoom tsis raug txheeb xyuas raws cai ua tsis tau ntawv thov kom zam rau cov khoom ntiag tug tsis raug

txheeb raws cai vim lawv tsis muaj cai tau txais qhov khoom. Lawv tsuas muaj feem rau hauv cov khoom uas muab xa hla hauv tus tswv cuab tej av/vaj tsev nkaus xwb.

Ntawv Yuam Nqi Rau Medicaid Cov Tswv Cuab Uas Mus Pw Hauv Tsev Kho Mob thiab Nyob Hauv Tsev Laus (TEFRA Liens)

Ib daim ntawv yuam nqi rau qhov khoom yog dab tsi thiab muaj dab tsi raug rau qhov no?

Ib daim ntawv yuam nqi yog ib qho pov thawj qhia tias tshuav nuj nqis los yog tshuav nyiaj uas yuav tau them uas muab ua mus yuam nqi rau ib qho av/vaj tsev uas muaj daim ntawv Register of Deeds (Ntawv Teev Npe Tuav) hauv lub nroog uas qhov av/vaj tsev nyob. Nws zoo ib yam li cov nyiaj txais yuav tsev uas nws yog ib qhov nuj nqis tsis tau them uas yuav tsum tau them thaum muab qhov khoom ntiag tug muag. Nws tsis muaj kev kub ntxhov dab tsi rau kev ua tus tswv thaj av/vaj tsev. Nws tsis yuam kom tus tswv cuab yuav tsum muag nws lub tsev.

Thaum twg DHS thiaj ua tau ib daim ntawv yuam nqi ib lub tsev?

Muaj tej thaum mas, DHS kuj ua ntawv muaj cai mus yuav lub tsev ntawm ib tug neeg mus pw hauv tsev kho mob uas yuav kom nws pab them tus nqi kho mob, los yog tus mus nyob hauv ib lub tsev laus uas tsis npaj tias nws yuav rov qab los nyob hauv nws lub tsev sai tom ntej. DHS ua tsis tau ntawv muaj cai mus yuav lub tsev ntawm ib tug tswv cuab hauv lub zej zos.

Cov ntawv yuam nqi qhov khoom yog ua thaum tus tswv cuab muaj ib feem ua tus tswv rau lub tsev. Tus tswv cuab muaj ib feem thaum nws ib

leeg nkaus xwb yog tus tswv ntawm lub tsev, ua tus tswv koom nrog tus txij nkawm, ua tus tswv nrog lawm tus uas tsis yog tus txij nkawm, ua tus tswv rau feem tseem muaj txoj sia nyob tej av/vaj tsev (life estate interest), los yog ua tus tswv los ntawm tus tswv cuab cov revocable trusts (cov ntawv tuav khoom ntiag tug rau lwm tus uas rho tawm tau). Rau ntawm feem tseem muaj txoj sia nyob tej av/vaj tsev cov paj ntsig, tsuas ua daim ntawv yuam nqi qhov khoom thaum feem tseem muaj txoj sia nyob tej av/vaj tsev tau tsa muaj rau thaum los yog tom qab Lub Yim Hlis Ntuj Tim 1, 2014 nkaus xwb. Yuav ua cov ntawv muaj cai mus yuav lwm hom kev muaj feem ua tus tswv rau qhov khoom (ownership interests) txawm qhov muaj feem ntawd tau tsa muaj thaum twg los xij.

Ua ntej ua daim ntawv yuam nqi qhov khoom, qhov Medicaid kev pab cuam yuav tsum sau ntawv mus qhia rau tus tswv cuab paub (log yog nws tus neeg muaj lub luag hauj lwm pab nws) thiab qhia nws paub txog nws txoj cai kom muaj ib lub rooj mloog kev ncaj ncees ntsig txog daim ntawv yuam nqi qhov khoom tus txheej txheem.

DHS tsuas ua ntawv muaj cai mus yuav lub tsev ntawm ib tug neeg pw hauv tsev kho mob los yog nyob hauv ib lub tsev laus uas tsis npaj tias nws yuav rov qab los nyob hauv nws lub tsev sai tom ntej no thiab tsis muaj ib tug hauv cov neeg nram qab no nyob hauv lub tsev nkaus xwb:

- Tus tswv cuab tus txij nkawm, ib tug me nyuam (tsis tau muaj 21 xyoos), los yog ib tug me nyuam muaj mob xiam oob qhab los yog dig muag tsis hais hnuv nyoog li cas.
- Ib tug kwv/tij los yog muam/viv ncaus ntawm tus tswv cuab uas muaj ib feem ua tus tswv rau lub tsev thiab tau nyob hauv lub tsev los mus tsawg kawg ib lub xyoos ua ntej Medicaid tus tswv cuab mus pw hauv tsev kho mob los yog mus nyob hauv tsev laus.

Yog tias tau ua ib daim ntawv muaj cai mus yuav lub tsev, yuav tsum muab daim ntawv rho tawm yog hais tias tus tswv cuab rov qab los tsev.

Yog tus tswv cuab rov qab los tsev, tus neeg khiav hauj lwm (Income Maintenance) los yog tus tswv cuab yuav tau hu rau DHS, ces mam muab daim ntawv yuam nqi lub tsev rho tawm.

Thaum twg thiaj them nyiaj rau daim ntawv yuam nqi lub tsev?

Them nyiaj rau daim ntawv yuam nqi lub tsev thaum muab lub tsev muag tas. Muab qhov nyiaj muag lub tsev them rau daim ntawv tom qab them tas cov nqi ntaub ntawv muag lub tsev, xws li them rau tus neeg muag tsev, them rau cov nqi kaw lub tsev, thiab cov nyiaj txais los yuav lub tsev uas muaj ua ntej hnuv Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) daim ntawv yuam nqi rau lub tsev.

Yuav **tsis** them nyiaj rau daim ntawv yuam nqi rau lub tsev thaum muag lub tsev, ua ntej los yog tom qab tus tswv cuab tas sim neej, yog hais tias tus tswv cuab muaj ib tug txij nkawm tseem muaj txoj sia nyob los yog ib tug me nyuam (tsis tau muaj 21 xyoos), muaj mob xiam oob qhab, los yog dig muag. Ib qho ntxiv, yuav tsis them nyiaj rau daim ntawv yuam nqi rau lub tsev taum ib tug neeg twg nram qab no nyob hauv lub tsev:

- Ib tug tub los yog tus ntxhais ntawm tus tswv cuab uas tau nyob hauv lub tsev los mus tsawg kawg yog pib txij li 24 lub hlis ua ntej tus tswv cuab mus nyob hauv tsev kho mob los yog tsev laus thiab nws tau muab kev pab tu rau tus tswv cuab uas ncuaj sij hawm rau tus tswv cuab mus nyob hauv tsev kho mob los yog tsev laus.
- Ib tug kwv/tij los yog muam/viv ncaus ntawm tus tswv cuab uas tau nyob hauv lub tsev los mus tsawg kawg yog pib txij li 12 lub hlis ua ntej tus tswv cuab mus pw hauv ib lub tsev kho mob los yog ib lub tsev laus.

Dab tsi yog qhov daim ntawv yuam nqi rau qhov khoom them rau?

Nyob rau ntawm lub sij hawm muab qhov khoom muag, ib daim ntawv muaj cai mus yuav qhov khoom yuav pab tau DHS mus muab nyiaj los them rau cov uas Medicaid them lawm. DHS mus muab nyiaj los them rau:

- Tag nrho Medicaid cov kev pab tau txais thaum nyob hauv ib lub tsev laus.
- Tag nrho Medicaid cov kev pab tau txais thaum ib tug tswv cuab mus pw kho mob hauv ib lub tsev kho mob.
- Cov kev pab tu hauv tsev tau txais los ntawm cov tswv cuab hnuv nyoog 55 los yog tshaj saud uas muaj xws li:
 - Skilled nursing services (cov kev pab cuam tu neeg mob uas muaj qauv tes zoo)
 - Home health aide services (cov kev pab cuam saib xyuas hauv tsev)
 - Home health therapy and speech pathology (kev kho mob hauv tsev thiab cov kev pab kom hais tau lus)
 - Private duty nursing services (cov kev tu hauv tsev los ntawm kws tus neeg mob)
 - Cov kev pab tu xyuas tib neeg
- Tag nrho cov kev pab tau txais los ntawm tus tswv cuab hnuv nyoog 55 nce mus uas koom rau hauv ib qhov kev pab tu mus sij hawm ntev (xws li COP Waiver (Lub Khoos Kas Zam Rau COP), Community Integration Programs (Lub Khoos Kas Koom Tes Hauv Zej Zog IA, IB), thiab II, Brain Injury Waiver (Lub Khoos Kas Zam Rau Kev Raug Mob Rau Lub Hlwb), Community Supported Living Arrangements (Lub Khoos Kas Kev Npaj Chaw Nyob Uas Tau Txais Kev Txhawb Pab ntawm Zej Zog), Community Opportunities and Recovery (Cov Hwv

Tsam thiab Kev Pab Kom Zoo Rov Los Hauv Zej Zog), Family Care, Family Care Partnership, IRIS, thiab PACE).

- Rau ntawm cov tswv cuab uas tab tom tau txais cov kev pab tu mus sij hawm ntev los ntawm ib lub koom txoos tswj kev tu mob (managed care organization, MCO). Cov nyiaj capitation payments (cov nyiaj them raws taub hau neeg) them txhua hli uas them rau lub MCO yuav tau them rov qab.

Ib daim ntawv yuam nqi rau qhov khoom tsuas mus muab qhov nyiaj los them rov qab rau qhov uas them los ntawm Medicaid rau cov kev pab mus txog rau hnuv uas muag qhov khoom xwb. Yog ho muab kev pab mus ntxiv tom qab them tas lawn, los yog hais tias tag nrho cov kev pab uas twb muab pab tas lawm them tsis tau los ntawm qhov muab qhov khoom muag, DHS kuj yuav ua ntawv mus tsib tus tswv cuab tej av/vaj tsev kom tau nyiaj los ntxiv.

Cov Lus Txhais Ntsiab Lus

Daim Affidavit of the Administrator (Daim Ntawv Tim Khawv Ntawm Tus Neeg Tswj Hwm)

DHS yuav xa daim ntawv tim khawv ntawm tus neeg tswj hwm mus rau tus neeg twg, lub tuam txhab twg, los yog lub koom txoos twg uas tuav cov khoom ntiag tug ntawm tus tswv cuab uas tas sim neej lawm kom tau cov nyiaj los them rau cov nqi muab kev pab. Daim ntawv tim khawv yuav sau meej txog DHS txoj cai los mus tsib tus tswv cuab uas tag sim neej lawm cov av/vaj tsev uas tseem tshuav thiab piav meej txog cov cai ntawm cov neeg muaj cai los mus tuav cov av/vaj tsev, cov neeg tau txais txiaj ntsig thiab cov koom ua tswv. DHS siv nws daim ntawv tim khawv los mus sau cov nyiaj rov qab los ntawm cov av/vaj tsev uas tsawg tshaj \$50,000 thiab cov khoom non-probate asset (khoom ntiag tug tsis nyob hauv kev faib raws cai).

DHS tsis siv daim ntawv qhia lus tseeb mus muab thaum muaj tus txij nkawm tseem muaj txoj sia nyob, ib tug me nyuam (tsis tau muaj 21 xyoos), los yog ib tug me nyuam xiam oob qhab los yog dig muag tsis hais hnub nyoog li cas thiab tus tswv cuab cov khoom ntiag tug (tsis hais yog tej av/vaj tsev los sis cov khoom ntiag tug tsis raug txheeb xyuas raws cai) tsis xam qhov khoom ntiag tug.

DHS yuav tsis siv daim ntawv tim khawv los mus sau cov nyiaj rov qab los ntawm tej ris tsho hnav, saw nyiaj saw kub, khoom vaj khoom tsev, thiab tej cuab yeej siv hauv tsev uas muaj ntaus nqi tag nrho qis dua \$5,000.

Capitation Payments (Cov Nyiaj Them Raws Taub Hau Neeg)

Cov nyiaj capitation payments (cov nyiaj them raws taub hau neeg) yog saib raws cov nyiaj uas them raws ib tug tswv cuab, thiab tsis yog them raws qhov kev pab cuam. Cov koom haum saib xyuas kho mob uas raug tuav tswj (MCO) tau txais nyiaj them txhua hli rau ib tug tswv cuab uas teev npe rau hauv txoj phiaj xwm kho mob. Yog tias tus tswv cuab tau teev npe txais kev pab saib xyuas kho mob ncu ntev, xws li lub khoos kas tso cai saib xyuas hauv tsev thiab hauv zej zog los sis PACE, lub MCO tau txais nyiaj them raws taub hau neeg txhua hli rau txhua tus tswv cuab uas teev npe txais kev pab.

Joint Property (Tej Khoom Uas Yog Ob Leeg Tug)

Nws muaj ob hom joint property (tej khoom uas yog ob leeg tug) loj, xws li: (1) joint tenancy (kev sib koom ua tus tuav) thiab (2) tenancy in common (kev tuav li ib txwm). Nyob rau hauv joint tenancy (kev sib koom ua tus tuav), yog ob leeg puav leej muaj npe sib koom ua tswv nyob rau hauv daim ntawv tuav qhov khoom, ces txhua tus neeg yuav muaj cai ua tswv 100 feem pua rau qhov khoom ntawd. Txawm yuav muaj tsawg leej muaj npe nyob ntawm daim ntawv tuav los xij, txhua

tus neeg yuav muaj cai ua tswv thiab tau cov txiaj ntsig yam sib npaug zos. Thaum ib tug neeg koom ua tswv tag sim neej lawm, cov uas tseem muaj txoj sia nyob yuav cia li tau los mus ua tus tswv ntawm qhov khoom kiag lawm. Joint tenancy (kev sib koom ua tus tuav) yuav muab “txoj cai los mua ua tus tswv rau tus muaj txoj sia nyob” rau txhua tus uas sib koom ua tus tuav uas yog cov tseem muaj txoj sia nyob yuav tau qhov khoom ntawd 100 feem pua. Thaum tsuas tshuav tib leeg muaj txoj sia nyob lawm xwb, ces nws yog tus tau qhov khoom ntawd tag nrho, thiab qhov joint tenancy (kev sib koom ua tus tuav) los xaus li ntawd.

Tenancy in common (kev tuav li ib txwm) yuav muab cov txiaj ntsig thiab cov cai txog kev ua tswv faib ua ntau feem pua rau cov yuav los tuav qhov khoom ntawd. Tej zaum cov feem pua ntawm kev ua tswv kuj yuav sib npaug, xws li yog 50/50, los sis tsis sib npaug, xws li yog 60/40. Nws yuav tsis zoo li joint tenancy (kev sib koom ua tus tuav), qhov tenancy in common (kev tuav li ib txwm) yuav tsis muab “txoj cai los mua ua tus tswv rau tus muaj txoj sia nyob” rau lwm cov neeg koom tswv. Yog li, yuav tsis muaj ib tug twg hauv tenancy in common (kev tuav li ib txwm) yuav tau txais ib feem ntawm qhov khoom thaum muaj ib tug twg tag sim neej; tab sis feem ntawm qhov khoom ntawd yeej tseem yog tus neeg uas tag sim neej lawm tug.

Life Estates (Tej Av/Vaj Tsev Hauv Lub Neej)

Life estates (tej av/vaj tsev hauv lub neej) yuav muaj thaum tus tswv tuav qhov av/vaj tsev muab nws qhov av/vaj tsev hloov tswv mus rau lwm tus (uas yog hu tias yog tus neeg tseem nyob thiab yuav tuav txoj cai los mus nyob rau hauv thiab txais tej txiaj ntsig los ntawm thaj av/vaj tsev ntawd, xws li txais cov nyiaj xauj tsev. Tus tswv av/vaj tsev qhov feem pua txiaj ntsig yog txiav txim los ntawm kev siv Medicaid daim phiaj uas teev tseg thaum lub sij hawm tshwm sim muaj txoj cai tuav qhov av/vaj tsev ntawd. Qhov seem ntawm cov nyiaj poob rau tus neeg

tseem nyob (piv txwv, tus me nyuam los yog cov me nyuam). Thaum tus tswv av/vaj tsev tas sim neej lawm, tag nrho tej av/vaj tsev no yuav poob mus rau tus neeg tseem nyob. Qhov nyiaj sau rov qab yog yuav sau los ntawm tus tswv av/vaj tsev cov nyiaj uas tseem tshuav thaum lub sij hawm tas sim neej.

***Long Term Care Program (Lub Khoos Kas Saib Xyuas Kho Mob Ncu
Ntev)***

Cov khoos kas saib xyuas kho mob ncu ntev muaj cov lub khoos kas tso cai saib xyuas hauv tsev thiab hauv zej zog, xws li:

- COP - Waiver (Lub Khoos Kas Zam Rau COP)
- Community Integration Programs IA, IB, and II (Lub Khoos Kas Koom Tes Hauv Zej Zog IA, IB, thiab II)
- Brain Injury Waiver Program (Lub Khoos Kas Zam Rau Kev Raug Mob Rau Lub Hlwb)
- Community Supported Living Arrangements (Lub Khoos Kas Kev Npaj Chaw Nyob Uas Tau Txais Kev Txhawb Pab ntawm Zej Zog)
- Community Recovery Services (Kev Pab Cuam Kom Zoo Rov Los Hauv Zej Zog)
- Family Care
- Family Care Partnership
- IRIS
- PACE

Cov no tsis tau teev tag nrho cov khoos kas saib xyuas kho mob ncu ntev thiab yuav muaj kev hloov pauv yam tsis muaj kev ceeb toom qhia ua ntej.

Liens (Cov Ntawv Yuam Nqi)

Daim ntawv yuam cai yog daim ntawv pov thawj tias tseem tshuav nuj nqis los sis tshuav nyiaj yuav tau them uas muab ua mus tuav ib qho av/vaj tsev ua muaj daim Register of Deeds (Daim Ntawv Teev Npe

Tuav) nyob rau hauv lub county uas thaj av/vaj tsev nyob. Nws zoo ib yam li cov nyiaj txais yuav tsev uas nws yog ib qhov nuj nqis tsis tau them uas yuav tsum tau them thaum muab qhov khoom ntiag tug muag. Nws tsis muaj kev kub ntshov dab tsi rau kev ua tus tswv thaj av/vaj tsev. Nws tsis yuam kom tus tswv cuab yuav tsum muag nws lub tsev.

Estate Recovery Program (Lub Khoos Kas Sau Nqi Rov Qab Los Ntawm Tej Av/Vaj Tsev) yuav siv ob hom ntawv liens (ntawv yuam nqi):

1. Daim ntawv yuam nqi ua ntej tag sim neej yog yuav muab yuam nqi rau cov tsev ntawm Medicaid cov tswv cuab uas txiav txim yuav mus nyob hauv cov tuam tsev pab tas mus li thiab yuav tsis rov qab los nyob lub tsev lawm. Hom ntawv yuam nqi no yog hu ua daim ntawv yuam nqi TEFRA vim nws yuav tsum tau ua raws li cov cai uas teev tseg hauv Tax Equity and Fiscal Responsibility Act (Tsab Cai Hais Txog Kev Them Se thiab Kev Lav Ris Fab Nyiaj Txiag) xyoo 1982.
2. Daim ntawv yuam nqi tom qab tas sim neej, uas hom kheev yog ib feem ntawm tus txheej txheem txog txoj kev faib khoom raws cai.

Life Insurance Policy (Ntawv Tuav Pov Hwm Txoj Sia)

Ib daim ntawv tuav pov hwm txoj sia yog ib daim ntawv cog lus nrog rau ib lub tuam txhab tuav pov hwm. Txhawn rau ua kev sib pauv nrog qhov nqi tuav pov hwm, lub tuam txhab tuav pov hwm yuav them ib pob nyiaj, uas hu ua cov nyiaj them rau thaum tag sim neej, rau cov muaj cai tau txais qhov nyiaj ntawd thaum tus neeg ua daim ntawv tuav pov hwm tas sim neej lawm.

Txij Nkawm Khoom Ntiag Tug

Txij nkawm khoom ntiag tug yog tej khoom ntiag tug uas ib khub niam txiv sib yuav raws cai yog tus tswv. Qhov ua tus tswv ntawm txij nkawm khoom ntiag tug kiag ua ntej tas sim neej yog raug txwv mus rau ib nrab. Qhov no yog raws nkaus li txoj kev muab tso kom yog ntawm cov

khoom ntiag tug ntawm cov txij nkawm raws li xeev tsab cai lij choj (Wis. Stat. § 766.31).

Medicaid

Medicaid yog ib qhov kev pab cuam sib koom ntawm tsoom fww teb chaws-xeev uas muab kev pab kho mob rau cov neeg uas muaj cov nyiaj tau los thiab kev pab tsawg. DHS yog tus tswj hwm Wisconsin Medicaid.

Non-Probate Property (Khoom Ntiag Tug Tsis Nyob Hauv Kev Faib Raws Cai)

Khoom ntiag tug tsis raug txheeb xyuas raws cai yog khoom uas nyob sab nraud ntawm ib tug neeg cov cuab yeej cuab tam. Qhov no txhais hais tias qhov non-probate property (khoom ntiag tug tsis nyob hauv kev faib raws cai) yuav tsis mus rau hauv kev sib faib raws cai ua ntej muab qhov khoom pauv mus rau tus neeg uas muaj cai tau txais qhov khoom. Khoom ntiag tug tsis raug txheeb xyuas raws cai, tab sis kuj tsis tas rau, life estates (tej av/vaj tsev hauv lub neej), khoom ntiag tug ntawm kev sib koom ua tus tuav (joint tenancy), ntawv tuav pov hwm lub neej, feem ntau ntawm cov khoom ntiag tug tuav rau lwm tus (trusts), thiab cov khoom ntiag tug uas them tau thaum tas txoj sia (payable on death) los yog hloov thaum tas txoj sia rau ib tug muaj npe tau txais qhov khoom.

Probate (Kev Faib Khoom Raws Cai)

Tus txheej txheem raws cai uas raws li paub yog kev sib faib khoom raws cai pab kho tus neeg tej av/vaj tsev kom muab sib faib haum uas yog muab ib tug neeg tej av/vaj tsev faib rau cov neeg tshuav lawv nqi, cov neeg muaj cai tau txais qhov khoom, thiab cov muaj npe tau txais qhov khoom. Cov neeg tshuav lawv nqi ua ntawv mus tsib cov av/vaj tsev kom ntseeg tau tias lawv tau nyiaj them rau cov nyiaj uas tshuav lawv nqi. Tab sis yuav tau them rau lub xeev ua ntej them rau feem coob ntawm cov neeg tshuav lawv nqi. Thiab them rau lub xeev thiab cov neeg

tshuav lawv nqi ua ntej muab faib rau cov muaj cai los yog muaj npe tau txais txawm yuav muaj ib daim ntawv sau faib cuab yeej cuab tam (will) los tsis muaj.

Revocable Trusts (Cov Ntawv Tuav Khoom Ntiag Tug Rau Lwm Tus Uas Rho Tawm Tau)

Daim ntawv no yog ib daim ua raws cai uas ib tug neeg muaj cai tuav ib qhov khoom ntiag tug rau lwm tus. Tej zaum kuj muab hu tias yog daim ntawv tuav lub neej (living trust), ib daim ntawv revocable trusts (cov ntawv tuav khoom ntiag tug rau lwm tus uas rho tawm tau) yog ib daim tsim muaj los ntawm ib tug neeg uas xav kom muaj rab peev xwm los mus pauv cov lus hais nyob hauv nws daim ntawv (trust).

Yog Xav Paub Ntxiv

- Mus saib rau www.dhs.wisconsin.gov/medicaid/erp.htm.
- Hu rau qhov chaw khiav hauj lwm ntawm koj nyob; Yog xav paub qhov chaw khiav hauj lwm ntawm koj nyob mus saib www.dhs.wisconsin.gov/forwardhealth/imagency/index.htm.
- Hu rau Chaw Pab Tswv Cuab ntawm 1-800-362-3002 (suab lus) los sis 711 (TTY).
- Sau ntawv rau:
Department of Health Services
Estate Recovery Program
P.O. Box 309
Madison, WI 53701-0309

Phau ntawv tseb no muaj nyob rau ntawm
www.dhs.wisconsin.gov/publications/p1/p13032.pdf.